

# Lungzswng Hag Lizsij Aen- dangj Comz Rengz Baenaj

3 nyied 27 hauh, Lungzswng Gak Cuz Swciyen cujcz gak gaep dangiyenz ganbu bae Swsuij Yangh Mbanjyauz Begmient Hungzginh Cangzcwngh Daejniemhgi sonhag lizsij aendangj. Gyoengqvunz dauq doeg vahmieng haeuj dangj, caez ciengq go hoengz, hwnj dangzgoq aendangj, dauq byaij roen cangzcwngh, soengq saw hawj dangiyenz lajmbanj, gyoengq dangiyenz itheij gangjgoj daengj. Yienghneix ndaej son' gyauq dazyinx dangiyenz ganbu hag lizsij aendangj, banh saedsaeh, hai buenz moq, gietcomz gaiqrox caeuq goengrenz bae buekguh hongsaeh moq.

(Vuz Swngbhin Vangz Yungdanh / 吴生斌 黄勇丹)

► Gyoengq dangiyenz ganbu caez ciengq go hoengz.



## Sihlinz Sonhag Lizsij Aendangj Haeuj Gihcwngz

Mboengqneix, Sihlinz Yen gak cin gak yangh gaenxmaenx sonhag lizsij aendangj. Lumjbaenz vunzlai Nalauz Yangh aeu fwen eu lizsij aendangj caeuq ndwenngoenz gyoengqvunz vuenyungz; Bujhoz Myaucuz Yangh 5 aen "saujsu minzcuz lwnhgangj siujcuj" aeu vah minzcuz lwnh gojgaeq aendangj; Bazdaz Cin bouxdangiyenz geq gangj gij goj yinghyungz daengj. Gak yanghcin gak mbanj lij aeu song vah gvangibo lwnhgangj, saedbauj sonhag lizsij aendangj ndaej byaij haeuj ndaw sim gak cuz vunzlai bae.

(Vangz Yenginz/黄燕群)



▲ Mehmbwk Bouxcuengh eu fwen haenh aencingz aendangj.



▲ Bouxgagnyienh itmienth fat swhliu faplwd itmienth gangjgaj hawj gyoengqvunz rox.

## Lwnhgangj Faplwd Coengh Guhhoengh Lajmbanj

3 nyied 25 hauh, Lozcwngz Mulaujcz Swciyen Hingzcwnz Cizfaz, Duiyi Ginhyinz daengj lai aen bumwnz caez banh aen hozdung "aeu faplwd caeuq lwgminz guhsaeh, coenghrenz guhhoengh lajmbanj" bae hawj vunzlai rox cihsiz faplwd. Gyoengqde baij daiz gaijdap vwndiz faplwd, fat swhliu faplwd lumj cawz yakrwix, gwnzmuengx ancienz, baujcaug duiyi ginhyinz daengj, iet "mumhgok" fapceih daengz gihcwngz bae, lwnhgangj fapceih coengh guhhoengh lajmbanj.

(Mungz Cwnghsw/蒙增师)



## Haeuj Ndawreih Yungzanh Son Gisuz

3 nyied 25 hauh, youq aen suen makgaemjaet Yungzanh Yen Mbanj-goujgyaiq ndawde, Lij Sigangh boux conhyah doj gangjgaj ngoenznaengz baenzlawz ganqguenj gomak, fuengzre nonhaih daengj, lij guhyiengh raed nge hawj bouxndaemmak yawj. Gyawj geij

bi neix, yienh neix daphwnq le aen bingzdaiz conhyah doj coenghrenz vunzlai, daezsang gisuz dajndaem, coicaenh canjnieb makgaemjaet hwng-fat ndaej engq ndei engq vaiq.

(Vei Gangh Siuh Vanjsah Veiz swng' yau / 卫纲 肖婉莎 韦胜耀)

◀ Lauxcangh son bouxndaemmak baenzlawz ganqguenj makgaemjaet.